

III.

82

gavz in mit wazzer da viol inne si gesotē
mit rosen ole genulschet vñ mit viol ole.
Im ist ovch got daz er speie von rätich den
er ezzen sol mit ezrich. od mit oximel vñ
mit heizzem wazzer. **vō dē taglichē vieb.**

n. xiiij.

Daz vieber taglich wiert von dem fley
mate. so iz vovlet inden adern od vzer
halbe der ader. so iz vovlet inden adern so
ist iz an schytel. So ab iz vovlet vzer halbe
der ader. so schytet iz alle tage vñ invt ah
zehen wile vñ beget sehs. Daz taglich vie
ber habent aller meist die alten die chalt
vñ vevht sint. vñ die chunt vñ aller meist
inden winter vñ inden lande daz chalt
vñ vevht ist. vñ almeist den luten die vn
sanfte lebeit. Swenne den siechen sere dve
stet. vñ in der invt tevchen ist so hat er
daz taglich vieber. von dem gesalzen fley
mate. So sol man in geben oxycaram mit
heizzem wazzer alle tage. vñ sol in die
fyrze setzen in warmes wazzer da camonil
la inne gesoten si. vñ viol vñ tyllē. man sol
in die fyrze chrowen mit salze vnd mit